

## UGOVOR O NABAVCI USLUGE

Zaključen između Ugovornih strana:

**1. UNIVERZITET U SARAJEVU, Obala Kulina bana br. 7/II, Sarajevo**, koga zastupa rektor prof. dr. Rifat Škrijelj (u daljem tekstu: **Naručilac**)

ID: 4200494560007

i

**2. Orbicode d. o. o. Vrbanjuša 45 a, 71000 Sarajevo**, koga zastupa direktor Emina Kolašinac (u daljem tekstu: **Izvršilac**)

ID broj: 4201929920007

Broj transakcijskog računa: 3387202245023196 otvoren kod UniCredit Bank d.d.

Ovaj Ugovor se zaključuje na osnovu Odluke broj: 0105-664-6/17 od 27. 03. 2017. godine o izboru najpovoljnijeg ponuđača i dodjeli ugovora, koja je donesena nakon provedenog **KONKURENTSKOG ZAHTJEVA ZA DOSTAVLJANJE PONUDA**, za koji je dana 10. 03. 2017. godine na Portalu javnih nabavki BiH, objavljeno Obavještenje o nabavci broj: 999-7-2-69-3-5/17.

### I. PREDMET UGOVORA

#### Član 1.

Predmet ovog Ugovora su usluge:

**Nadogradnja, održavanje i razvoj Informativnih sistema:**

**1. EMIS, EMIS Web i softverski sistem EMIS print, 2. On-line prijava i upis u srednje škole, 3. EMIS, e-matura OŠ i 4. EMIS, e-matura SŠ**

(u daljem tekstu: **usluga**) za potrebe i po zahtjevu **Naručioca**.

Izvršilac se obavezuje da izvrši predmetnu uslugu u skladu sa Tenderskom dokumentacijom broj: 0101-664-3/17 od 10. 03. 2017. godine (u daljem tekstu: **Tenderska dokumentacija**), ponudom Izvršioca broj: PON-0001/17 od 21. 03. 2017. godine (u daljnjem tekstu: **Ponuda Izvršioca**) i pozitivnim propisima koji uređuju predmetnu oblast.

Ponuda Izvršioca je u prilogu i čini sastavni dio ovog Ugovora.

### II. CIJENA

#### Član 2.

Ukupna cijena predmeta ugovora iznosi:

45.350,00 KM bez PDV-a

(slovima: četrdesetpethiljadatristotinepedeset KM i 00/100), što sa uračunatim PDV-om iznosi:

53.059,50 KM sa PDV-om

(slovima: pedesettrihiljadepedesetdevet KM i 50/100).

Cijena usluga obuhvata sve troškove koje **Naručilac** treba platiti **Izvršiocu** u vezi sa predmetnom uslugom.

Ugovorena cijena iz stava 1. ovog člana je fiksna i neće se mijenjati tokom perioda realizacije ovog Ugovora.

### **III. NAČIN PLAĆANJA**

#### **Član 3.**

Ugovorne strane su saglasne da će Naručilac izvršiti plaćanje predmetnih usluga u roku od (30) trideset dana od dana dostavljanja potpisane i ovjerene fakture od strane Izvršioca.

Izvršilac je dužan da uz fakturu dostavi potpisan „Zapisnik o prijemu izvršene usluge“ i Garanciju za uredno izvršenje ugovora.

Izvršilac dostavlja fakturu sa propratnom dokumentacijom na Pisarnicu Univerziteta u Sarajevu, Obala Kulina bana 7/II, 71 000 Sarajevo.

Plaćanje se vrši po dospijeću na Transakcijski račun Izvršioca.

Sredstva za realizaciju ovog Ugovora obezbjeđena su iz Budžeta Kantona Sarajevo.

### **IV. NAČIN I ROK VRŠENJA USLUGE**

#### **Član 4.**

Izvršilac se obavezuje da će predmetnu uslugu izvršiti jednokratno, i to u roku od 15 (petnaest) dana od dana potpisivanja Ugovora.

### **V. UGOVORNA KAZNA**

#### **Član 5.**

Ukoliko Izvršilac svojom krivicom ne izvrši uslugu u roku utvrđenom u člana 4. ovog Ugovora, a ne radi se o višoj sili, Izvršilac se obavezuje da Naručiocu plati ugovornu kaznu u visini od 0,2 % od ugovorene vrijednosti usluge, za svaki dan kašnjenja do urednog ispunjenja, s tim da ukupan iznos ugovorne kazne ne može preći 5 % (pet posto) od ukupno ugovorene vrijednosti usluge.

Izvršilac je dužan platiti ugovorenu kaznu u roku od 7 (sedam) dana od dana prijema zahtjeva od strane Naručioca.

Izvršilac neće platiti ugovornu kaznu ako dokaže da nije kriv za kašnjenje u izvršenju usluge. Izvršilac će platiti samo dio ugovorne kazne koji je srazmjeran njegovoj krivici, ako dokaže da je samo djelimično kriv za kašnjenje u izvršenju usluge.

Naručilac neće moći naplatiti ugovornu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti.

Ukoliko je zbog kašnjenja Izvršioca, Naručilac pretrpio štetu koja je veća od iznosa ugovorne kazne, Naručilac može umjesto ugovorne kazne od Izvršioca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

### **VI. MJESTO VRŠENJA USLUGE**

#### **Član 6.**

Predmetne usluge će se vršiti u organizacionoj jedinici Naručioca-Univerzitetskom tele-informatičkom centru, Zmaja od Bosne 8, (Objekat br. 33.), Kampus Univerziteta u Sarajevu.

## VII. OBAVEZE IZVRŠIOCA

### Član 7.

Izvršilac se obavezuje da:

- predmetne usluge izvrši kvalitetno i uredno u skladu sa važećim propisima, pravilima i standardima struke za ovu vrstu posla, a sve prema zahtjevu Naručioca navedenom u Tenderskoj dokumentaciji i Ponudi Izvršioca;
- štiti prava i interese Naručioca, te ga obavještava o toku realizacije ovog Ugovora;
- riješi eventualne reklamacije od strane ovlaštene kontakt osobe Naručioca;
- ispostavi fakturu za izvršenu uslugu i Garanciju za uredno izvršenje ugovora.

## VIII. OBAVEZE NARUČIOCA

### Član 8.

Naručilac se obavezuje da:

- Izvršiocu odredi termin za vršenje predmetnih usluga;
- da preko ovlaštene kontakt osobe prati izvršenje predmetne usluge, realizaciju ugovora i sačini i potpiše „Zapisnik o prijemu izvršene usluge“;
- vрати Prodavcu Garanciju za dobro izvršenje ugovora na način utvrđen Tenderskom dokumentacijom;
- da plati primljenu fakturu Izvršioca, u skladu sa članom 3. stav (1) ovog Ugovora.

Forma garancije za dobro izvršenje ugovora je sastavni dio ovog Ugovora.

## IX. KONTAKT

### Član 9.

Naručilac i Izvršilac su saglasni da će se sva korespodencija u vezi sa izvršenjem ovog Ugovora voditi putem ovlaštenih osoba za kontakt:

Ugovorna strana	Kontakt osoba	Kontakt telefon
Naručilac	Dr. Elemedin Selmanović	(033) 560-240
Izvršilac	Elvis Pivić	(062) 336-548 (033) 206-285

## X. RASKID UGOVORA

### Član 10.

Svaka Ugovorna strana ima pravo jednostrano raskinuti ovaj Ugovor.

Naručilac ima pravo jednostranog raskida ovog Ugovora i pravo na naknadu eventualne štete u slijedećim slučajevima:

- ukoliko Izvršilac kasni sa vršenjem usluga,
- ako kvalitet usluga ne odgovara ugovorenim;
- ukoliko Izvršilac ne otkloni nedostatke po primjedbama Naručioca;
- ako Izvršilac iz bilo kojeg razloga izuzev više sile, dođe u situaciju da ne može izvršiti ugovorene usluge.

Ugovor može biti jednostrano raskinut dostavom pismene obavijesti drugoj Ugovornoj strani 30 (trideset) dana prije raskida, u kojem je Izvršilac dužan osigurati zamjenske usluge.

Obavijest mora sadržavati razlog raskida ugovora.

## XI. POSLOVNA TAJNA

### Član 11.

Izvršilac se obavezuje da će u vremenu trajanja ovog Ugovora i po njegovom prestanku kao poslovnu tajnu čuvati sve informacije koje sazna u vezi sa vršenjem predmetnih usluga i ostale podatke koji su Izvršiocu dostupni, a odnose se na Naručioca i njegovo poslovanje, te da iste neće ni pod kojim uslovima saopštavati trećim licima.

## XII. RJEŠAVANJE SPOROVA

### Član 12.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

## XIII. ZAVRŠNE ODREDBE

### Član 13.

U skladu sa članom 72. stav (6) Zakona o javnim nabavkama BiH, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### Član 14.

Ugovorne strane su saglasne da se na druga pitanja koja nisu regulisana ovim Ugovorom, primjenjuju odredbe Zakona o obligacionim odnosima.

### Član 15.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora. Svi rokovi u vezi sa ovim Ugovorom, računaju se od dana stupanja na snagu ovog Ugovora, ukoliko posebnom odredbom nije ugovoren neki drugi datum kao početak toka roka.


### Član 16.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

**ZA NARUČIOCA**

**Rektor**

**Prof. dr. Rifat Škrijelj**



**ZA IZVRŠIOCA**

**Direktor**

**Emina Kolašinac**



Broj: 0101-664-8/17

Sarajevo, 06.04.2017.



Broj: 0-006-12

Datum: 06.04.2017.